

全上古三代秦漢三國六朝文

全後漢文卷四十九

烏程嚴可均校輯

呂蓋

蓋字君玉一作君上

和帝紀注作君玉
魯恭傳注作君上

宛陵人永元中爲光祿

勳代劉方爲司徒

奏劾張酺

酺位居三司知公門有儀不屏氣鞠躬呂須詔命反作色大言怨

讓使臣不可已示四遠

後漢張酺傳
永元十二年

鄧陟

陟一作陟字昭伯南陽新野人太傅禹孫和熹皇后之兄永元

中辟大將軍竇憲府除郎中三遷爲虎賁中郎將延平初拜車

騎將軍儀同三司永初初封上蔡侯固辭尋拜大將軍建光初

封上蔡侯位特進爲安帝乳母王聖所譖免特進徙封羅侯不

食而死

上疏自陳

臣兄弟汙穢無分可採過冒外戚遭值明時託日月之末光被雲雨之渥澤竝統列位光照當世不能宣贊風美補助清化誠慙誠懼無旨處心陛下躬天然之姿體仁聖之德遭國不造仍離大憂開日月之明運獨斷之慮援立皇統奉承大宗聖策定于神心休烈垂于不朽本非臣等所能萬一而猥推嘉美竝享大封伏聞詔書驚惶慙怖追觀前世傾覆之誠退自惟念不寒而慄臣等雖無逮及遠見之慮猶有庶幾戒懼之情常母子兄弟內相勸厲冀已端慙畏慎一心奉戴上全天恩下完性命刻骨定分有死無二終不敢橫受爵土已增罪累惶窘征營昧死陳乞

後漢鄧禹附傳

鄧耿

耿未詳

郊祀賦

咨改元正、誕章厥新、豐恩羨溢、含唐孕殷、承皇極、稽天文、舒優遊、
展弘仁、揚明光、宥罪人、羣公卿尹、侯伯武臣、文林華省、奉贊厥珍、
夷髦盧巴、來貢來賓、玉璽既卒、于斯萬年、穆穆皇王、克明厥德、應
符蹈運、旅章厥福、昭假烈祖、曰孝曰仁、自天降康、保定我民、
初學記十

伊皇母曰延慈

文選補注碑注

許慎

慎字叔重汝南召陵人爲郡功曹永元中舉孝廉爲太尉南閣
祭酒後除校長有孝經古文說一卷五經異義十卷說文十五
卷淮南子注二十一卷

說文解字敘

古者庖犧氏之王天下也仰則觀象于天俯則觀法于地視鳥獸

之文與地之宜近取諸身遠取諸物于是始作易八卦曰垂憲象
及神農氏結繩爲治而統其事庶業其繁飾僞萌生黃帝之史倉
頡見鳥獸蹏迒之迹知分理之可相別異也初造書契百工曰乂
萬品曰察蓋取諸夬夬揚于王庭言文者宣教明化于王者朝廷
君子所曰施祿及下居德則忌也倉頡之初作書蓋依類象形故
謂之文其後形聲相益卽謂之字文者象物之本也本脫此句依
書序正義左
傳宣十五
年正義補字者言孳乳而浸多也著于竹帛謂之書書者如也曰
迄五帝三王之世改易殊體封于泰山者七十有二代靡有同焉
周禮人歲入小學保氏教國子先曰六書一曰指事指事者視而
可識察而見意本作可見依漢藝
文志改識意協韻上下是也二曰象形象形者畫
成其物隨體詰詘日月是也三曰形聲形聲者曰事爲名取譬相
成江河是也四曰會意會意者比類合誼曰見指擢武信是也五
曰轉注轉注者建類一首同意相受考老是也六曰假借假借者

本無其字，依聲託事，令長是也。及宣王太史籀著大篆十五篇，與

古文或異。至孔子書六經，左丘明述春秋傳，皆曰古文，厥意可得

而說也。也字依小其後諸侯力政，不統于王，惡禮樂之害己，而皆

去其典籍，分爲七國，田疇異晦，車涂異軌，律令異法，衣冠異制，言

語異聲，文字異形。秦始皇帝初兼天下，丞相李斯乃奏同之，罷其

不與秦文合者，斯作倉頡篇。中車府令趙高作爰歷篇，太史令胡

毋敬作博學篇，皆取史籀大篆，或頗省改，所謂小篆者也。是時秦

燒滅經書，滌除舊典，大發隸卒，興役戍官，獄職務繁，初有隸書，曰

趣約易，而古文由此絕矣。自爾秦書有八體：一曰大篆，二曰小篆，

三曰刻符，四曰蟲書，五曰摹印，六曰署書，七曰殳書，八曰隸書。漢

興有艸書，尉律學僮十七已上，始試諷書。本作籀書，依漢藝文志

刪籀字九千字，乃得爲史。本作爲吏，依漢藝文志又曰八體試之，郡移

太史并課最者，曰爲尚書。史書或不正，輒舉劾之。今雖有尉律，不

課小學不修莫達其說久矣孝宣皇帝

本脫皇帝二字依小徐時本補下孝平皇帝故此

召通倉頡讀者張敞從受之涼州刺史杜業沛人爰禮講學大夫

秦近亦能言之孝平皇帝時徵禮等百餘人令說文字未央廷中

曰禮爲小學元士黃門侍郎楊雄采曰作訓纂篇凡倉頡已下十

四篇凡五千三百四十字羣書所載略存之矣及亡新居攝使大

司空甄豐等校文書之部自曰爲應制作頗改定古文時有六書

一曰古文孔子壁中書也二曰奇字卽古文而異者也三曰篆書

卽小篆秦始皇帝使下杜人程邈之所作也四曰左書

本作徐本依小徐本

改卽秦隸書五曰繆篆所曰摹印也六曰鳥蟲書所曰書幡信也

壁中書者魯恭王壞孔子宅而得禮記尚書春秋論語孝經又北

平侯張倉獻春秋左氏傳

郡國亦往往于山川得鼎彝其銘卽前

代之古文皆自相侶雖頗

頗本作匡依汗簡略攷改

復見遠流其詳可得略說

也而世人非嘗曰爲好奇者也故詭更正文鄉壁虛造不可如之

書變亂常行日耀于世諸生競逐

逐字依小徐本補

說字解經誼稱秦之

隸書爲倉頡時書云父子相傳何可改易乃猥曰馬頭人爲長人持十爲斗虫者屈中也廷尉說律至曰字斷法詩人受錢苛之字止句也若此者甚眾皆不合孔氏古文謬于史籀俗儒鬻夫斷其所習蔽所希聞不見通學未嘗觀字例之條怪舊勢而善野言曰其所知爲祕妙究洞聖人之微愔又見倉頡篇中幼子承詔因號古帝之所作也其辭有神僊之術焉其迷悟不論豈不悖哉書曰予欲觀古人之象言必遵修舊文而不穿鑿孔子曰吾猶及史之闕文今亡也夫蓋非其不知而不問人用已私是非無正巧說褻辭使天下學者疑蓋文字者經藝之本王政之始前人所已垂後後人所已識古故曰本立而道生知天下之至嘖而不可亂也今敘篆文合曰古籀博采通人至于小大信而有證稽謬其說將曰理羣類解謬誤曉學者達神愔分別部居不相雜廁萬物咸覩靡

不兼載厥誼不昭爰明曰論其傳易孟氏書孔氏詩毛氏禮周官春秋左氏論語孝經皆古文也其于所不知蓋闕如也

宋本說文

說文解字後敘

後敘曰

本作敘曰依小徐本補後字

此十四篇五百四十部九千三百五十三

文重一千一百六十三解說凡十三萬三千四百四十一字其建

首也立一爲端方曰類聚物曰羣分同條羣屬共理相貫雜而不

越據形系聯引而申之曰究萬原畢終于亥知化窮冥于時大漢

聖德熙明承天稽古敷崇殷中遐邇被澤渥衍沛瀉廣業甄微學

士知方揆噴索隱厥誼可傳粵在永元困頓之年孟陬之月朔日

甲申曾曾小子祖自炎神縉雲相黃共承高辛太岳佐夏呂叔作

藩俾侯于許世祚遺靈自彼徂召宅此汝瀕竊印景行敢涉聖門

其弘如何節彼南山欲罷不能既竭愚才惜道之味聞疑載疑演

贊其志次列微辭知此者稀儻昭所尤庶有達者理而董之

宋本說文

許沖

沖愼子

上書進說文

召陵萬歲里公乘草莽臣沖稽首再拜上書皇帝陛下臣伏見陛下神明盛德承遵聖業上考度于天下流化于民先天而天不違後天而奉天時萬國咸寧神人百和猶復浚惟五經之妙皆爲漢制博采幽遠窮理盡性已至于命先帝詔侍中騎都尉賈逵修理舊文殊藝異術王敎一端苟有可已加于國者靡不悉集易曰窮神知化德之盛也書曰人之有能有爲使羞其行而國其昌臣父故太尉南閣祭酒愼本從逵受古學蓋聖人不空作皆有依據今五經之道昭炳光明而文字者其本所由生自周禮漢律皆當學六書貫通其意恐巧說衰辭使學者疑愼博問通人考之于逵作說文解字六藝羣言之詁皆通其意而天地鬼神山川草木鳥獸

蝨蟲雜物奇怪王制禮儀世間人事莫不畢載凡十五卷十三萬三千四百四十一字慎前曰詔書校書東觀敎小黃門孟生李喜等曰文字未定未奏上今慎已病遣臣齋詣闕慎又學孝經孔氏古文說古文孝經者孝昭帝時魯國三老所獻建武時給事中議郎衛宏所校皆口傳官無其說謹撰具一篇并上臣沖誠惶誠恐頓首頓首死畢死臯臣稽首再拜曰聞皇帝陛下建光元年九月己卯朔二十日戊戌上說文本作己亥朔二十日戊午上今依四分術推改舒承梵

承梵永元中爲太史令

天度遠近對

案官所施漏法令甲第六常符漏品孝宣皇帝三年十二月乙酉下建武十年二月壬午詔書施行漏刻曰日長短爲數率日南北二度四分而增減一刻一氣俱十五日日去極各有多少今官漏

率九日移一刻不隨日進退夏麻漏隨日南北為長短密近千官漏分明可施行

續漢律
麻志中

養奮

奮字叔高鬱林人永元六年舉賢良方正

廣韻引孝子
傳有養奮

賢良方正對策

策問陰陽不和或水或旱方正鬱林布衣養奮對曰天有陰陽陰陽有四時四時有政令春夏則子惠布施寬仁秋冬則剛猛盛威行刑賞罰殺生各應其時則陰陽和四時調風雨時五穀升今則不然長吏多不奉行時令為政舉事干逆天氣上不卹下下不忠上百姓困乏而不卹哀眾怨鬱積故陰陽不和風雨不時災害緣類水者陰盛小人居位依公營私譏言誦上雨漫溢者五穀有不升而賦稅不為減百姓虛竭家有愁心也

續漢五行志三注
補引廣州先賢傳

佞邪已不正食祿饗所致

續漢五行志三注
補引養奮對策

當溫而寒刑罰慘也

續漢五行志三注補引袁山松書

鄭璩

璩字平卿

拜內史上疏

臣斗筭之小吏擢在察視之官職任過分當糾邪矯枉

東觀漢紀

張皓

皓字叔明樅爲武陽人留侯張良六世孫永元中仕州郡辟大將軍鄒騰府五遷爲尙書僕射出爲彭城相永寧初徵拜廷尉永建初代陶敦爲司空免陽嘉初復爲廷尉卒年八十三

上疏諫廢皇太子

昔賊臣江充造構讒逆至今戾園興兵終及禍難後靈關三老一言上乃覺悟雖追前失悔之何逮今皇太子春秋方始十歲未見保傳九德之義宜簡賢輔就成聖質

後漢張皓傳安帝與皇太子爲濟陰王皓與桓焉來歷廷

爭之不能得退而
上疏書奏不省

上疏諫誅趙騰

臣聞堯舜立敢諫之鼓三王樹誹謗之木春秋采善書惡聖主不
罪芻蕘騰等雖干上犯法所言本欲盡忠正諫如當誅戮天下杜
口塞諫爭之源非所已昭德示後也後漢張皓傳順帝時清河趙騰上言災變譏刺朝政章下

張綱

綱字文紀，字子永，建中舉孝廉不就。尋辟司徒府，召高第爲侍
御史。漢安初，出爲廣陵太守，拜光祿大夫。

上書諫縱宦官

詩曰：不愆不忘，率由舊章。尋大漢初隆，及中興之世，文明二帝，德
化尤盛，觀其理爲，易循易見，但恭儉守節，約身尙德而已。中官常
待，不過兩人，近倖賞賜，裁滿數金，惜費重人，故家給人足，夷狄聞

中國優富任信道德所已姦謀自消而和氣感應而頤者已來不
適舊典無功小人皆有官爵富之驕之而復害之非愛人重器承
天順道者也伏願陛下少留聖思割損左右已奉天心後漢張綱傳
上書劾梁冀

大將軍梁冀河南尹不疑蒙外戚之援荷國厚恩已芻蕘之矣安
居阿保不能敷揚五教翼贊日月而專為封豕長蛇肆其貪饕甘
心好貨縱恣無狀多樹諂諛已害忠良誠天威所不赦大辟所宜
加也謹條其無君之心十五事于左皆忠臣之所切齒也蜀志張綱傳注
引續漢書袁宏後漢紀十九後漢張綱傳

高慎

慎字孝甫陳留人永元中為陳國戶曹史歷二縣令遷東萊太
守

諫國相

諸侯射豕。天子射熊。八舞六博。禮數不同。甘率氏設朱于玉。成已舞大夏。左傳曰。唯名與器不可假人。奢僭之漸。不可聽也。後漢陳敬

王莽傳注引謝承書

霍融

融永元中待詔太史

上言改定官漏刻

官漏刻率九日增減一刻。不與天相應。或時差至二刻半。不如夏

厯漏刻。隨日南北為長短。續漢律厯志宋書厯志二隋書天文志刻漏

曹鳳

鳳永元中為隃麋相

上言建復西海郡縣

西戎為害。前世所患。臣不能紀古。且曰近事言之。自建武以來。其犯法者。常從燒當種起。所曰然者。曰其居大小榆谷。土地肥美。又

近塞內諸種易于爲非難已攻伐南得鍾存已廣其眾北阻大河因已爲固又有西海魚鹽之利緣山濱水已廣田畜故能疆大常雄諸種恃其權勇招誘羌胡今者衰困黨援壞沮親屬離叛餘勝兵者不過數百逃亡棲竄遠依發羌臣愚已爲宜及此時建復西海郡縣規固二偷廣設屯田隔塞羌胡交關之路遏絕狂狡窺欲之源又殖穀富邊省委輸之役國家可已無西方之憂

後漢西羌傳

法雄

雄字文彊扶風郿人和帝時仕郡功曹辟太傅張禹府除平氏長遷宛陵令安帝時爲青州刺史遷南郡太守

移書南郡屬縣

凡虎狼之在山林猶人之居城市古者至化之世猛獸不擾皆山恩信寬澤仁及飛走太守雖不德敢忘斯義記到其毀壞檻穽不得妄捕山林

後漢法雄傳

唐羌

羌字伯游辟公府補臨武長

上書陳交趾獻龍眼荔枝事狀

臣聞上不巳滋味爲德下不巳貢膳爲功故天子食太牢爲尊不
巳果實爲珍伏見交趾七郡獻生龍眼等鳥驚風發南州土地惡
蟲猛獸不絕于路至于觸犯死亡之害死者不可復生來者猶可
救也此二物升殿未必延年益壽

後漢和紀注
引謝承書

尙敏

敏爵里未詳

陳興廣學校疏

臣聞五經所巳治學爲人五經不修世道陵遲學校不弘則人名
行不廣故秦巳坑儒而滅漢巳崇學而興所巳罔羅天下統理陰
陽彌綸治道而視民軌則也光武中興修繕太學博士得具五人

五經各敘其義故能化澤沾洽天下和平自頃已來五經頗廢後進之士趣于文俗宿儒舊學無與傳業由是俗吏繁熾儒生寡少其在京師不務經學競于人事爭于貨賄太學之中不聞談論之聲從橫之下不覩講說之士臣恐五經六藝浸已陵遲儒林學肆于是廢失所已制御四夷者已的道德仁義也傳曰王者之臣其實師也言其道德可師也今百官伐閱皆已通經爲名無一人能稱孔子曰無而爲有虛而爲盈難乎有恒矣自今官人宜令取經學者公府孝廉皆應詔則人心專一風化可消也

袁宏後漢
書帝紀

蘇順

順字孝山京兆霸陵人和安閒已才學稱後拜郎中

歎懷賦

悲終風之隕籜條枝稍已摧傷桂敷榮而方盛遭暮冬之隆霜華霏霏之將實中天零而消亡童烏濬其明哲悲何壽之不將嗟劉

生之若茲奄彌留而永喪

易文類聚卷十四

和帝誄

天王徂登率士奄傷如何昊穹奪我聖皇恩德累代乃作銘章其辭曰

恭惟大行配天建德陶元二化風流萬國立我蒸民宜此儀則厥初生民三五作剛載籍之盛著于虞唐恭惟大行爰同其光自昔何爲欽明允塞恭惟大行天覆地載無爲而治冠斯往代往代崎嶇諸夏擯命爰茲發號民樂其政奄有萬國民臣咸秩大孝備矣闕宮有恤由昔姜嫄祖妣之室本枝百世神契惟一彌留不豫道揚末命勞謙有終實惟其性衣不制新屏玉遠屏履和而行威稜上古洪澤滂流茂化沾溥不慙少留民斯何怙歔歔成雲泣涕成雨昊天不弔喪我慈父

蘇文類聚卷十二

陳公誄

化侔春風澤配甘雨

文選曹植上書躬詩表注

賈逵誄

惟天生君繼孔之迹光明克哲果論至蹟

初學記二十一

史岑

岑字孝山爵里未詳

案後漢王隆傳初王莽末沛國史岑字子孝莽召為謂者文選出師頌注考定有二

史岑字子孝者仕莽末字孝山者當和熹之際引流別集及集林載岑和熹鄧后頌并序為據今從選注編入和安帝明

出師頌

茫茫上天降祚有漢兆基開業人神攸贊五曜霄映素靈夜歎皇
運來授萬寶增煥歷紀十二天命中易西零不順東夷邁逆乃命
上將授呂雄戟桓桓上將實天所啟允文允武明詩悅禮憲章百
揆為世作楷昔在孟津惟師尚父素旄一麾渾一區宇蒼生更始
朔風變楚薄伐獫狁至于太原詩人歌之猶歎其艱況我將軍窮
城極邊鼓無停響旗不蹙褰澤露遐荒功銘鼎鉉我出我師于彼

西疆天子饒我路車乘黃言念伯舅恩深渭陽介珪旣削列壤酬
勳今我將軍啟土上郡傳子傳孫顯顯令問

文選載文類聚五十九

楊倫

倫字仲理陳畱東昏人師事丁鴻爲郡文學掾久之去職元初
中郡禮請三府並辟公車徵皆不就延光末徵博士爲清河王
傅免永建中拜侍中免陽嘉中徵拜太中大夫大將軍梁商請
爲長史出補常山王傅病不之官

上書案坐任嘉舉主罪

臣聞春秋誅惡及本本誅則惡消振裘持領領正則毛理今任嘉
所坐狼籍未受辜戮猥已垢臭改典大郡自非案坐舉者無已禁
絕姦萌往者湖陸令張疊蕭令駟賢徐州刺史劉福等覺穢旣章
威伏其誅而豺狼之吏至今不絕者豈非本舉之主不加之罪乎
昔齊威之霸殺姦臣五人并及舉者已弭謫讞當斷不斷黃石所

戒夫聖王所召聽僮夫匹婦之言者猶塵加嵩岱露集淮海雖未
有益不爲損也惟陛下畱神省察後漢楊倫傳

辭補常山王傳

有畱死一尺無北行一寸刎頸不易九裂不恨匹夫所執疆于三
軍固敢有辭後漢楊倫傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷四十九終

全後漢文卷五十

烏程嚴可均校輯

李尤

尤字伯仁廣漢雒人永元中召詣東觀拜蘭臺令史稍遷安帝時爲諫議大夫順帝初遷樂安相卒年八十三有集五卷

函谷關賦

惟皇漢之休烈兮包八極已據中混無外之盪盪兮惟唐典之

一作

引極崇萬國喜而洞洽兮何天衢已流通襟要約之險固兮制關
捷已擒非其南則有蒼梧荔浦離水謝沐匯浦零中已窮海陸于
北則有蕭居天井壺口石陘貫越代朔已臨胡庭緣邊邪指陽會
玉門凌測龍堆或置已口于西則有隴隴武夷白水江零沔漢阻
曲路由山泉奮一作舊水遼溢連潞一作落是經爾迺周覽已汎觀兮
歷眾關已遊目惟夸闕之顯一作宏麗兮羌莫盛乎一作干函谷施雕

誓曰作好建峻敞之堅重殊中外已隔別翼巍巍之高崇命尉臣
曰執鎗統羣類之所從嚴固守之猛厲操戈鉞而晉聰蕃鎮造而
惕息侯伯過而震忭惟函谷之初設險前有姬之苗流嘉尹喜之
望氣知真人之西游爰物色已遮道爲著書而留自周轍之東
遷秦虎眈乎中州文馳齊而懼追譎雞鳴于狗偷睢背魏而西逝
託衾衣已免搜大漢承弊已建德革厥舊而運修準令宜已就制
因茲勢已立基蓋可已詰非司邪括執喉咽季末荒戍墮闕有年
天閔羣黎命我聖君稽符皇乾孔適河文中興再受二祖同勳永
平承緒欽明奉循上羅三關下列九門會萬國之玉帛徠百蠻之
貢琛冠蓋紛其雲合車馬動而雷奔察言服已有譏捐繻傳而勿
論于已廓襟度于神聖法易簡于乾坤藝文類聚六初
學記七古文苑
玉女流眄而下視文選魯靈
光殿賦注
盛夏臨凜而含霜焉文選七
啟注

辟雍賦

卓矣煌煌永元之隆含宏該要周建大中蓄純和之優渥今化盛

溢而茲豐

御覽五百三十四

太學既崇三宮既章靈臺司天羣耀彌光太室宗祀布政國陽辟
芷巖巖規圓矩方階序牖闥雙觀四張流水湯湯造舟爲梁神聖
班德由斯已匡喜喜濟濟春射秋饗王公羣后卿士具集攢羅鱗
次差池雜還延忠信之純一兮列左右之貂璫三后八蕃師尹舉
卿加休慶德稱壽上觴戴甫垂畢其儀踰踰是已乾坤所周八極
所要夷戎蠻羌儋耳哀牢重譯響應抱珍來朝南金大璐玉象犀

龜

藝文類聚三十八初學記十三

興雲動雷飛屑風雨

文選海賦注

萬騎躩踞已攬拏

文選魯靈光殿賦注

德陽殿賦

日若炎唐稽古作先

文選魯靈光殿賦注

開三階而參會錯金銀于兩楹入

青陽而窺總章歷戶牖之所經連璧組之澗漫雜虬文之蜿蜒爾

乃周閣迴而峻樓臨門朱闕巖巖嵯峨縹雲青瑣禁門廊廡翼翼

華蟲詭異密采珍縟達蘭林曰西通中方池而特立果竹鬱茂曰

蓁蓁鴻雁沛裔而來集德陽之比斯曰濯龍葡萄安石蔓延蒙籠

橘柚含桃甘果成叢文櫨耀水光映煌煌

蘇文類聚六十二初學記二十八御覽九百七

十

平樂觀賦

乃設平樂之顯觀章秘瑋之奇珍習禁武曰講捷厭不羈之遐鄰
徒觀平樂之制鬱崔嵬曰離斐赫嚴嚴其峯嶺紛電影曰盤盱彌
平原之博敞處金商之維陬大厦累而鱗次承岩堯之翠樓過洞
房之轉閼歷金環之華鋪南切洛濱北陵倉山龜池泱泱果林榛
榛天馬沛艾鬣尾布分綱乃太和隆平萬國肅清殊方重譯絕域

造庭四表交會抱珍遠并雜遝歸誼集于春正翫屈奇之神怪顯
逸才之捷武百僚于時各命所主方曲既設秘戲連敘逍遙俯仰
節已鞀鼓戲車高幢馳騁百馬連翩九仞離合上下或曰馳騁覆
車顛倒烏獲扛鼎千鈞若羽吞刃吐火燕躍鳥峙陵高履索踊躍
旋舞飛丸跳劍沸渭回擾巴渝隈一踰肩相受有仙駕雀其形蚺
虬騎驢馳射狐兔驚走侏儒巨人戲譴爲耦禽鹿六駭白象失首
魚龍曼延崐嶸山阜龜螭蟾蜍挈琴鼓缶

藝文類聚六十三

東觀賦

臣雖頑鹵慕小雅斯千歎詠之美

文選劉楨贈五官中郎將詩注

敷華實于雍堂

集幹質于東觀東觀之藝孽孽洋洋上承重閣下屬周廊步西蕃
已徙倚好綠樹之成行歷東崖之敞座庇蔽芾之甘棠前望雲臺
後市德陽道無隱而不顯書無闕而不陳覽三代而采宜包郁郁
之周文

藝文類聚六十三

七款

奇宮開館迴庭洞門井榦廣望重閣相因夏屋渠渠嵯峨合連前

臨都街後據流川梁王青黎初學記作梁上青麗盧橘是生白華綠葉扶疏

冬榮與時代序孰不墮零黃景炫炫眩林曜封金衣朱裏班理內

充滋味偉異淫樂無窮副曰昔蔗豐弘誕節纖液玉津旨于飴蜜

藝文類聚五十七又初學記二十八引兩條又御覽九百七十四

鴻柿若瓜萬覽九百七十一

龍鼉水處文選蜀都賦注

迴皇競集文選長伯賦注

季秋未際高風焱厲文選七命注

神奔電驅星流矢驚則莫若益野騰駒也文選七命注

懷戎頌華陽國志十中

政事論華陽國志十中云七篇

河銘

洋洋河水赴宗于海經自中州龍圖所在黃函白神赤符已信昔
有周武集會孟津魚入王舟乃往克殷大漢承緒懷附遐鄰邦事
來濟各貢厥珍

燕文類聚八又九引孟津銘又水經河水一注

洛銘

洛出熊耳東流會集夏禹導疏經于洛邑玄龜赤字漢符是立帝
都通路建國南鄉萬乘終濟造舟爲梁三都五州貢篚萬方廣視
遠聽審任賢良元首昭明庶類是康

初學記六

鴻池陂銘

鴻澤之陂聖王所規開源東注出自城池

水經穀水注

漸臺中起列館參差

文選謝朓晚登三山望京邑詩注

函谷關銘

函谷險要襟帶喉咽尹從李老畱作二篇孟嘗離秦奔騫東征夜

造稽疑。謫曰雞鳴。范睢將入。自盛曰囊元鼎革移。錯之新安。舍彼西阻。東卽高原。長墉重關。閒固不踰。簡易易從。與乾合符。藝文類聚六

明堂銘

布政之室。上圓下方。體則天地。在國正陽。牕闥四設。流水洋洋。順節行化。各居其房。春恤幼孤。夏進賢良。秋厲威武。冬謹關梁。藝文類聚三十八御覽五百三十三

太學銘

漢遵禮典。崇興六藝。修周之理。埽秦之弊。褒建儒宮。廣置異記。開延學者。勸曰爵位。藝文類聚三十八

辟雍銘

惟王所建。方中圓外。清流四布。蕩滌濁穢。御覽五百三十四

東觀銘

周氏舊區。皇漢寔頒。房閣內布。疏綺外陳。升降三除。貫啟七門。是

謂東觀書林淵列侯弘雅治掌藝文藝文類聚六十三文選陸機贈顧彥先詩注

永安宮銘

合歡黃堂中和是遵舊廬懷本新果暘春候臺集道俾司星辰豐

業廣德日協天人萬福來助嘉娛永欣藝文類聚六十二初學記二十四

雲臺銘

周氏舊居惟漢襲因崇臺嵒峻上礙蒼雲垂示億載俾率舊章人

修初學記其行而國其昌藝文類聚六十二初學記二十四

德陽殿銘

皇穹垂象日示帝王紫微之側弘誕彌光大漢體天承日德陽崇

弘高麗苞受萬方內綜朝貢外示遐荒藝文類聚六十二初學記二十四

鞠城銘文選注作鞠室銘

圓鞠方牆倣象陰陽法月衡對二六相當建長立平其例有常不

目親疏不有阿私端心平意莫怨其非鞠政由然況乎執機藝文類聚

五十四文選
景福殿詩注

京師城銘

天險匪登地險丘陵帝王設險乾坤是承

藝文類聚六十三
初學記二十四

高安館銘

巍巍高安明聖是修嵯峨麗館窗閣列周增臺顯敞禁室靜幽長

除臨起櫺檻相承聖朝明察同保休徵

藝文類聚六十三文
選蜀都賦注七啟注

平樂館銘

乃興平樂弘敞麗光層樓通閣禁闔洞房琴梁照曜朱華飾當騁

武舒秘曰示幽荒如榮普覆然後來王

藝文類聚
六十三

上林苑銘

顯宗備禮明慮弘深

文選鮑照
放歌行注

闕銘

皇上尊嚴萬姓載依國都攸處建設端闈表樹兩觀雙闕巍巍

藝文

類聚六

十二

悉心聽省乃無窮冤

文選陸倕石闕銘注

門銘

門之設張為宅表會納善開邪擊柝防害

藝文類聚六十三初學記二十四御覽一百八

三十

穀城門銘

穀門北中位當于子

御覽作正

太陰主刑殺伐事首

藝文類聚六十三初學作殺伐為首

記二十四作為始御覽一百八十三案雋陽城十二門今缺丑門一銘

上東門銘

上東少陽厥位在寅條風動物月值孟春

後魏書李順附傳李騫釋情賦注

中東門銘

中東處仲月位當卯倉庚有聲鷹隼匿爪除去桎梏獄訟勿考

藝文

類聚六十三初學記二十一十四御覽一百八十三

旌門銘

旌門續漢百官志四注補作耗門值季位月在辰順陽布位貧乏是振御覽一百八十三

開陽門銘

開陽在孟位月惟巳清門冠節太陽進起藝文類聚六十三初學記二十四

平城門銘

平門督師午位處中續漢百官志四注補作平城司午厥位處中外臨僚侍內達帝宮

正陽南面炎暑赫融御覽一百八十三

津城門銘

津名自定位月在未溫風鬱暑應鳥習鶯藝文類聚六十三初學記二十四

廣陽門銘

廣陽位孟厥月在申涼風時至白露已分藝文類聚六十三初學記一百八十三

雍城門銘

雍門處中位月在西首風寒澍雁歸山阜

魏文類聚六十三初學記二十四

上西門銘

上西在季位月惟戌菊黃豺祭號令嚴悉

御覽一百八十三

夏城門銘

夏門值孟位月在亥不周用事玄冥幽晦陰陽不通蝦蟇匿采迎

冬北壇順陰所在

魏文類聚六十三初學記二十四御覽一百八十三

堂銘

因邑制宅爰興殿堂夏屋渠渠高敞清涼家曰師禮修奉蒸嘗延

賓西階主近東廂宴樂嘉客吹笙鼓箏

魏文類聚六十三

室銘

室曰安寔寢息幽閑室塞空隙遮遏風寒無日寂寞屋漏昭然

御覽

一百七十四

楹銘

幹強體正雖重不移上下相安高而不危

御覽一百八十七

牖銘

天設牖牖開光照陰施于明堂

象八風御覽一百八十八

井銘

井之所尙寒泉冽濟法律取象不槩自平多取不損少汲不盈執

憲若斯何有邪傾

藝文類聚九

竈銘

燧人造火竈能召興五行接備陰陽相乘

藝文類聚八十御覽一百八十六

鍾簋銘

周因殷禮損益可知漢因于周猶若重規人因秦器事有可施

鍾怒簋物得其宜聲揚遠聞文耀委迤

藝文類聚四十四

琴銘

琴之在堂盤滌邪心雖有正性其感亦深存雅抑鄭浮侈是禁條

曠和正樂而不淫藝文類聚四十
四初學記十六

笛銘

刻削長幹二孔修長□□□□出自西涼流離浩蕩壯士抑揚初學

記十六
引兩條

漏刻銘

昔在先聖配天垂則仰矚七曜俯順坤德乃建日官俾立漏刻昏
明既序景曜不忒唐命羲和敬授人時縣象著明帝曰崇熙季末
不虔德衰于茲挈壺失節刺流在詩聖哲稽古帝則是欽尺璧非
寶重此寸陰昧旦丕顯敬聽漏音思我王度如玉如金藝文類聚
六十八引
漏刻銘又引漏銘北堂書鈔
一百三十初學記二十五

屏風銘

舍則潛辟用則設張立必端直處必廉方雍闕風邪霧露是抗奉
上蔽下不失其常藝文類聚六十九北堂書鈔一百三
十二初學記二十五御覽七百一

書案銘

居則致樂承顏接賓承奉奏記通達謁刺尊上蒼下道合仁義

書鈔

一百三十三
御覽七百十

經撓銘

瞻之在前忽焉在後進新習故不舍于口子在川上逝者如斯及

年廣學無間不知

藝文類聚
五十五

讀書枕銘

聽政理事忘則覽書傾倚偃息隨體與居寤心起意猶愈宴娛

藝文類聚

十五

筆銘

筆之強志庶事分別七術雖以猶可解說口無擇言駟不及舌筆

之過誤愆尤不滅

藝文類聚五十八
初學記二十一

錯佩刀銘

佩之有錯抑武揚文豈爲麗好將戒其身藝文類聚六十初學記
二十二御覽三百四十六

金馬書刀銘

巧冶鍊剛金馬託形貢文錯鏤兼勒工各淬以清流礪日越砥藝文類聚六十初學記二十二
兩引又御覽三百四十六

寶劍銘

五材並用誰能去兵龍淵耀奇太阿飛名陸斷犀兕水截鯢鯨縉紳咸服翼宣儀刑豈徒振武義合金聲

戟銘

鼓戟之設目戒非常秉執操持邪暴是防須臾之分終日爲殃山陵之禍起于豪芒文選鮑照白頭吟注
御覽三百五十三

弧矢銘

弦木爲弧刻木爲矢協并八極四方同紀藝文類聚六十初學記
二十二御覽三百五十三

夏弓銘

弓矢之作爰自曩時鄉射載禮招命在詩妙稱顏高巧發由基不

爭之美亦曰辨儀

御覽三百四十七

案藝文類聚六十初學記二十二作晉李充

弩銘

粵自近古發意所翫前聖制弓後世建弩機牙發矢執醜破虜克

獲雖屢猶不可常忘戰者危極武者傷

藝文類聚六十御覽三百四十八

彈銘

昔之造彈起意弦木目丸爲矢合竹爲樸漆飾膠治不用筋角丸

彈之利目弋鳧鵲晉靈驕悖羣臣是彈樂其如躍趨如避丸

藝文類聚

六十御覽三百五十

鎧銘

甲鎧之施扞禦鋒矢尙其堅剛或用犀兕內目存身外不傷害有

似仁人厥道廣大好德者靈好戰者危專智恃力君子不爲

初學記二

十二御覽三百五十六

盾銘

吳旂魯賊戎兵特須

御覽三百五十七

鞍銘

驅驚馳逐騰躍覆被雖其捷習亦有顛沛并羸其瓶罔不斯敗

文選白馬賦注初學記二十二御覽三百五十八

轡銘

轡御在手急緩必時賞罰在心中和是思馬知良御進取道里人

知善政令行禁止

初學記二十二御覽三百五十八

馬箠銘

御者箠策示有威怒東野之敗督責過度

初學記二十三御覽三百五十九

鉦銘

警飭師旅申嚴號令言肅紀律萬眾是聽

武庫銘

搏噬爪牙鋒距之先毒螫芒刺矛矢日存聖人垂象五兵已陳

初學

記二

臥牀銘

體之所安寢處和歡夕惕敬愼崇德遠奸

書鈔一百三十三初學記二十五御覽七百六

几銘

有序

昔帝軒轅仁智恭恕恐事之有闕作倚几之法

書鈔一百三十三御覽七百十

虛左致賢設坐來賓筵牀對几盛養已陳殺仁飯義枕典席文道

可醉飽何必清醇

書鈔一百三十三

几則索口賢知難求西伯善養二老來游

同上

席銘

施席接賓士無愚賢隨時所有何必羊豚

藝文類聚六十九初學記二十五

靈壽杖銘

亭亭奇幹實曰壽靈甘泉潤根清露流莖乃制為杖扶危定傾既

憑其實亦貴其名北堂書鈔一百三十
二疏文類聚六十九

塵尾銘

撫成德柄言為訓辭鑒彼逸傲念茲在茲北堂書鈔一
百三十四

鏡銘

鑄銅為鑑整飭容顏修爾法則正爾衣冠北堂書鈔一百三十六
疏文類聚七十初學記

五

熏鑪銘

上似蓬萊吐氣委蛇芳烟布寫化白為香北堂書鈔一百三十五
案銘末有誤陳禹謨

改作芳烟布繞遙冲紫微張
博百三家集用之未詳所據

印銘

赤紱在服非印不明檠傳符節非印不行龜紐慎鼻用爾作程初

十六

研墨銘

書契既造研墨乃陳煙石相附筆疏已申篇籍永垂紀志功勳初學記

記二十一 分爲硯銘墨硯銘二篇今合錄之御覽六百五

冠幘銘

冠爲元服幘爲首飾君子敬慎自彊不忒

文履銘

文曰表德質曰體仁乃製茲履文質斌斌顯允明哲卑已牧身步

此坦道絕彼埃塵

書鈔一百三十六初學記二十六

舟楫銘

舟楫之利譬猶與馬輦

藝文類聚作載

重厯遠曰濟天下相風視波窮究

川野安審懼慎終無不可

北堂書鈔一百三十七藝文類聚七十一初學記二十五

小車銘

圓蓋象天方軫則地輪法陰陽動不相離合之嘽嘽疏達開通兩

輜障邪尊卑是從輓輓之用信義所同藝文類聚七十一又初學記二十五引兩條御覽七

百七十三

天駟車銘御覽作輜車銘

奚氏本造後裔飾雍輪曰代步屏曰蔽容輪駟并合出入周通追

仁赴義惟禮是恭藝文類聚七十一御覽七百七十三

鼎銘

五鼎大和滋味集具雖快其口損之為務藝文類聚七百七十三

盤銘

或曰承觴或曰受物既舉清觴又成口實藝文類聚七百五十八御覽七百五十八

盂銘

飲無求辭纔曰相娛荒沈過差可不慎與文選嵇康與山濤絕交書注

樽銘

樽設在堂曰俟俊人三山共承雕琢錯帶藝文類聚七百七十三

杯銘

小之爲杯，大之爲罍。杯罍之用，無施不可。已飲已享，慎斯得正。周公之美，驕宏爲病。藝文類聚七十三

羹魁銘

羊羹不徧，駟馬長驅。御覽七百五十八

安哉銘

安哉令名，甘旨是盛。埏埴之巧，甄陶所成。食彼美珍，思此鹿鳴。御覽七百六十

匱匣銘

國有都邑，家有匣匱。貨賄之用，我之利器。御覽七百十四

豐侯銘

豐侯荒繆，醉亂迷逸。乃象其形，爲禮戒式。後世傳之，固無止說。御覽七百六十二

箕銘

神農植穀已養蒸民箕主簸揚糠粃乃陳御覽七百六十五

園基銘

詩人幽憶感物則思志之空閒翫弄遊竟局為憲矩基法陰陽道

為經緯方錯列張藝文類聚七十四

金羊燈銘

賢哲勉務惟日不足金羊載耀作明已續藝文類聚八十五初學記二十五

權衡銘

夫審輕重莫若權衡正是正非其唯賢明御覽八百三十案華陽國志十中和帝召作

東觀辟雍德陽諸觀賦銘懷戎頌百二十銘著政事論七篇帝善之今搜輯羣書得八十四銘其餘三十七銘亡

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷五十終

全後漢文卷五十一

烏程嚴可均校輯

楊震

震字伯起，弘農華陰人。丞相安平侯敞玄孫。年五十始仕州郡。辟大將軍鄧騭府，舉茂才。四遷荊州刺史、東萊太守，轉涿郡太守。元初中，徵爲太僕，遷太常。永寧初，代劉愷爲司徒。延光二年，代劉愷爲太尉。明年策免，卒年七十餘。

上疏請出乳母王聖

臣聞政已得賢爲本，理已去穢爲務。是已唐虞俊乂在官，四凶流放。天下咸服，已致雍熙。方今九德未事，嬖倖充庭。阿母王聖出自賤微，得遭千載，奉養聖躬。雖有推燥居溼之勤，前後賞惠，過報勞苦，而無厭之心，不知紀極。外交屬託，擾亂天下，損辱清朝，塵黷日月。書誡牝雞牡鳴，詩刺哲婦喪國。昔鄭嚴公從母氏之欲，恣驕弟

之情幾至危國然後加討春秋貶之曰爲失教夫女子小人近之喜遠之怨實爲難養易曰無攸遂在中饋言婦人不得與于政事也宜速出阿母令居外舍斷絕伯榮莫使往來令恩德兩隆上下俱美惟陛下絕婉嬖之私割不忍之心留神萬機誠慎拜爵減省獻御損節徵發令野無鶴鳴之歎朝無小明之悔大東不興于今勞止不怨于下擬蹤往古比德哲王豈不休哉

後漢楊震傳

復詣闕上疏諫劉瓌襲爵

臣聞高祖與羣臣約非功臣不得封攻城野戰棄身沙漠降服百蠻不羈之虜然後得受茅土故經制父死子繼兄亡弟及所曰別親疏殊適庶尊國體重繼嗣防淫篡絕姦謀百王不易之道也伏見詔書封故朝陽侯劉護再從兄瓌襲爵爲侯護同產弟威今猶見在臣聞天子不專封封有功諸侯不專爵爵有德今瓌無他功德但曰配阿母女既忝位侍中一時之間超至封侯不稽舊制不

合經義行人誼譴百寮不安臣誠知言與罪俱辭與辜會忝當台
翰之任故不敢不盡言之陛下宜覽鏡既往順帝之則袁宏後漢紀十七又

後漢楊震傳

諫爲王聖修第疏

臣聞古者三年耕必有一年之儲九年耕必有三年之儲故堯之
遭洪水民無菜色傳曰國無三年之儲非其國也故豐年知禮凶
年減除臣伏念方今災害發起彌彌滋甚百姓空虛不能自贍重
己螟蝗羌虜鈔掠二邊震擾戰鬪之役至今未息兵甲軍糧不能
復給大司農帑藏匱乏殊非社稷安寧之時伏見詔書爲阿母興
起津城門內第舍合而爲一連里竟街雕修繕飾窮極巧伎今盛
夏土王而攻山采石百姓布野農民廢業其大匠左校別部將作
合數十處轉相迫促爲費巨億周廣謝暉兄弟與國無肺腑枝葉
之屬依倚近倖姦佞之人與樊豐王永等分威共權屬託州郡傾

動大臣宰司辟召承望旨意招來海內貪汙之人受其貨賂至有
臧錮棄世之徒復得顯用白黑混淆清濁同源天下謹謹咸曰財
貨上流爲朝結譏臣聞師言上之所取財盡則怨力盡則叛怨叛
之人不可復使故曰百姓不足君誰與足惟陛下度之

袁宏後漢紀十七

漢楊震傳
合錄成文

因地震復上疏

臣蒙恩備台輔不能奉宣政化調和陰陽去年十一月四日京師
地動臣聞師言地者陰精當安靜承陽而今動搖者陰道盛也其
日戊辰三者皆土位在中宮此中臣近官盛于持權用事之象也
臣伏惟陛下日邊境未寧躬自菲薄宮殿垣屋傾倚枝柱而已無
所興造欲令遠近咸知政化之清流商邑之翼翼也而親近倖臣
未崇斷金驕溢踰法多請徙士盛修第舍賣弄威福道路謹謹眾
所聞見地動之變近在城郭殆爲此發又冬無宿雪春節未雨百

僚焦心而繕修不止誠致旱之徵也書曰僭恆陽若臣無作威作福玉食唯陛下奮乾剛之德棄驕奢之臣曰掩詆言之口奉承皇天之戒無令威福久移于下

後漢楊震傳

救趙騰疏

臣聞堯舜之世諫鼓誦木立之于朝殷周哲王小人怨詈則還自敬德所曰達聰明開不諱博採負薪盡極下情也今趙騰所坐激訐誦語爲罪與手刃犯法有差乞爲虧除全騰之命曰誘芻蕘輿人之言

後漢楊震傳又見袁宏後漢紀十七有刪節

楊秉

秉字叔節震中子年四十餘始應司空辟拜侍御史歷豫荆徐兗四州刺史遷任城相桓帝卽位拜太中大夫左中郎將遷侍中尙書光祿大夫曰梁冀擅權稱病去官冀誅拜太僕遷太常曰爭白馬令李雲事免徵拜河南尹復坐事輸作左校遇赦拜

太常代劉矩爲太尉延熹八年卒年七十四

因風災上疏諫微行

臣聞瑞由德至災應事生傳曰禍福無門惟人自召

袁宏紀此下有乃者暴風

必有異

天不言語曰災異譴告是曰孔子迅雷風烈必有變動詩

云敬天之威不敢驅馳王者至尊出入有常警蹕而行靜室而止

自非郊廟之事則纓旗不駕故詩稱自郊徂宮易曰王假有廟致

孝享也諸侯如臣之家春秋尙列其誠況曰先王法服而私出槃

游

袁宏紀作私從意志日殷游諸臣之家

降亂尊卑等威無序侍衛守空宮綬璽委

女妾設有非常之變任章之謀上負先帝下悔靡及臣奔世受恩

得備納言又曰薄學充在講勸特蒙哀誠

袁宏紀作光議

見照日月恩重

命輕義使士死敢憚摧折略陳其愚

後漢楊震傳又見袁宏後漢紀二十一有小異

上疏諫任左右除拜

臣聞先王建國順天制官太微積星名爲郎位入奉宿衛出牧百

姓皋陶誠虞在于官人頃者道路拜除恩加豎隸爾已貨成化由此敗所已俗大荅議曰駒遠逝穆穆清朝遠近莫觀宜割不忍之恩已斷求欲之路後漢楊震傳

上言吏職

內外吏職多非其人自頃所徵皆特拜不試致盜竊縱恣訟紛錯舊典中臣子弟不得居位秉勢而今枝葉賓客布列職署或年少庸人典據守宰上下忿患四方愁毒可遵用舊章退貪殘塞災誦請下司隸校尉中二千石城門五營校尉北軍中侯各實覈所部應當斥罷自己狀言三府廉察有遺漏續上後漢楊震傳延熹大尉是時宦官方熾任人及子弟為官秉與司空周景上言

上言計吏宜絕橫拜

三署見郎七百餘人帑藏空虛浮食者眾而不良守相欲因國為池澆濯鬻穢宜絕橫拜已塞覬覦之端後漢楊震傳

奏劾侯參

參取受罪臧累億。牂柯男子張攸居爲富室。參橫加非罪。云造訛言。殺攸家八人。沒入廬宅。又與同郡諸生李元之官共飲酒。醉飽之後。戲故相犯。誣言有淫惡之罪。應時捱殺。曰人臣之勢。行桀紂之態。傷和逆理。痛感天地。宜當紕持。曰謝一州。後漢楊震傳注引謝承書

京兆尹袁逢于長安客舍中得重車三百餘乘。金銀珍玩不可稱。

紀

後漢楊震傳注引謝承書

奏劾侯覽

臣案國舊典。臣豎之官。本在給使省闈。司昏守夜。而今猥受過寵。執政操權。其阿諛取容者。則因公褒舉。曰報私惠。有忤逆于心者。必求事中傷。肆其凶忿。居法王公。富擬國家。飲食極肴饍。僕妾盈。絜素。雖季氏專魯。穰侯擅秦。何目尙茲。案中常侍侯覽弟參貪殘元惡。自取禍滅。覽固知釁重。必有自疑之意。臣愚曰爲不宜復見。

親近昔懿公刑邴歆之父奪閭職之妻而使二人參乘卒有竹中之難春秋書之曰爲至戒蓋鄭詹來而國亂四佞放而眾服曰此觀之容可近乎覽宜急屏斥授畀有虎若斯之人非恩所宥請免官送歸本郡

後漢楊震傳

對尙書詰責任方突獄事

春秋不誅黎比而魯多盜方等無狀釁由單匡刺執法之吏害奉公之臣復令得逃竄寬縱罪身元惡大憝終爲國害乞檻車徵匡考覈其事則姦慝蹤緒必可立得

後漢楊震傳

使掾屬對尙書詰劾侯覽事

春秋趙鞅曰晉陽之甲逐君側之惡傳曰除君之惡唯力是視鄧通解慢申屠嘉召通詰責文帝從而請之漢世故事三公之職無所不統

後漢楊震傳又略見袁宏後漢紀二十二

楊賜

賜字伯獻

案袁宏紀作子獻
蔡邕撰碑作伯獻

秉子辟大將軍梁冀府除陳倉令

已病不行司空舉高第遷侍中越騎校尉建寧初遷少府光祿

勳熹平中代唐珍爲司空免復拜光祿大夫代袁隗爲司徒免

復拜光祿大夫光和初爲三老復拜少府光祿勳代劉郃爲司

徒遷太尉中平初免尋封臨晉侯位特進代張溫爲司空卒諡

曰文烈侯

蛇變上封事

臣聞和氣致祥乖氣致災休徵則五福應咎徵則六極至夫善不
妄來災不空發必應行而至王者心有所惟意有所想雖未形顏
色而五星日之推移陰陽爲其變度日此而觀天之與人豈不符
哉尚書曰天齊乎人假我一日是其明徵也夫皇極不建則有蛇
龍之孽袁宏紀作蛇者于洪範鱗蟲之象思心不逮之所致也不逮之效時則有龍蛇之孽詩云惟虺惟蛇
女子之祥故春秋書鄭昭公時兩蛇闕于南門之外其後昭公殆

呂女敗昔周康王承文王之盛一朝宴起夫人不鳴璫宮門不擊柝闕雖之人見幾而作夫女謁行則讒夫昌讒夫昌則苞苴通故殷湯呂之自戒終濟亢旱之災惟陛下思乾剛之道別內外之宜崇帝乙之制受元吉之祉抑皇甫之權制豔妻之愛則蛇變可消頑祥立應殷戊宋景其事甚明

後漢楊震附傳又見
袁宏後漢紀二十三

上疏諫封爵過差游觀無度

臣聞天生蒸民不能自理故立君長使司牧之是呂唐虞兢兢業業周文日昃不暇明慎庶官俊乂在職呂立雍熙之化頃聞拜爵過多每被尚書劾非眾所歸或不知何人昔堯用舜猶尚先試三載考績呂觀厥成而今所序用無他名德有形勢者旬月之間累遷高位守道之徒歷載不轉勞逸無別善惡同流北山之詩所爲訓作又聞微行數出幸諸苑囿觀鷹犬之勢極般游之荒政事日墮大化陵遲忘乾乾之不息忽履省之欽哉陛下不顧三祖之勤

止追慕五宗之高蹤殆非所謂光昭之美而欲已望太平是由曲表而求直景卻行而求及前人也惟陛下絕慢游之戲念官人之重割超越後漢本傳之恩慎貫魚之次無令醜女有四殆之歎遐邇有憤怨之聲臣受恩偏厚特忝師傅之任不敢自問凡臣括囊避咎謹自手書草囊密上袁宏後漢紀二十四又後漢楊震附傳

上書諫作林泉畢圭苑

臣聞使者並出規度城南民田欲已爲苑者昔先王制園裁足取牲已備三驅薪采芻牧者往焉故詩曰王在靈囿麀鹿攸伏傳曰吾王不游吾何已休皆被其德政而樂所爲如此至六國之際取獸者有罪傷槐者被誅孟軻爲梁惠王極陳其事先帝之制左開洪池右作上林不儉不泰已合禮中今猥規都城之側已爲苑囿壤沃野廢田園驅居人已上四語從後漢本傳傳已畜禽獸之物非所已保養民庶赤子之義築鄣不時春秋有譏盤于游田周公作戒其城外

之苑已有五六足用逞情意順四時何必變革舊制已罷民力楚
興章華邱人乖叛秦作阿房黎甿憤怨宜思夏后卑室之意太宗
露臺之費慰此下民勞止之歌

袁宏後漢紀二十四又略見後漢楊震附傳

上言願減賜戶已封劉寬張濟

臣前與故太尉劉寬司徒張濟並被侍講俱受三事張角謀亂又
共陳便宜而獨蒙師傅之澤茅土之祚而寬濟不蒙雲雨之潤乞
減賜戶已封寬濟

袁宏後漢紀二十五

虹蜺對

臣聞經傳所載或得神已興或得神已亡國家休明則鑒其德邪
辟昏亂則示其禍今嘉德殿所見黑氣考之經傳應爲虹蜺皆妖
邪所生不正之象詩人所謂蜺蜺者也于中孚經曰蜺之比無德
已色親方今內多嬖倖外任小臣上下並怨諠譁盈路是已災異
屢見前後丁寧今復投蜺可謂孰矣案春秋讖曰天投蜺天下怨

海內亂加四百里之期。亦復垂及。昔虬貫牛山。管仲諫桓公無近
妃宮。易曰。天垂象。見吉凶。聖人則之。疑妾媵之中有因愛放縱。左
右嬖人。閹尹之徒。共專國朝。欺罔日月。又鴻都門下。招會羣小。造
作賦說。弓蟲篆小技。見寵于時。如驩兜共工。更相薦說。旬月之間。
並各拔擢。樂松處常伯。任芝居納言。郗儉梁鵠。俱召便辟之性。佞
辯之心。各受豐爵。不次之寵。而令搢紳之徒。委伏畎畝。口誦堯舜
之言。身蹈絕俗之行。棄捐溝壑。不見逮及。冠履倒易。陵谷代處。從
小人之邪意。順無知之私欲。不念板蕩之作。虺蜴之誠。殆哉之危。
莫過于今。幸賴皇天垂象。譴告周書曰。天子見怪則修德。諸侯見
怪則修政。卿大夫見怪則修職。士庶人見怪則修身。唯陛下慎經
典之誠。圖變復之道。斥遠佞巧之臣。速徵鶴鳴之士。內親張仲。外
任山甫。斷絕尺一。抑止槃游。畱思庶政。無敢怠遑。冀上天還威。眾
變可弭。老臣過受師傅之任。數蒙寵異之恩。豈敢愛惜垂沒之年。

而不盡其懷懷之心哉

袁宏後漢紀二十四後漢楊震附傳

虎見平樂觀又見憲陵對

虎者金行參伐之精很戾之獸也今在位率多奢暴貪殘酷虐乎

袁宏後漢紀二十四

與王允書

若曰張讓事百日再徵宜深思之

袁宏後漢紀二十七

楊琦

琦一作奇震曾孫靈帝時侍中出為汝南太守帝崩後復入為

侍中領衛尉從獻帝西遷

上封事

催邊鄙之人習于夷風今又自不知所犯悖逆常有怏怏之色欲輔

車駕幸黃白城已紆其憤臣願陛下忍之未可顯其罪也

魏志董卓傳注

引獻帝起居注李催移乘輿幸北塢侍中楊琦上封事又見袁宏後漢紀二十八

楊彪

彪字文先。賜子。熹平中。徵拜議郎。遷侍中。京兆尹光和中。復爲侍中。五官中郎將。遷潁川南陽太守。復爲侍中。三遷水樂少府。太僕衛尉。中平末。代董卓爲司空。又代黃琬爲司徒。初平初。免拜光祿大夫。遷大鴻臚。從獻帝西遷。轉少府。太常免。復爲京兆尹。光祿勳。再遷光祿大夫。代滂于嘉爲司空。免。興平初。代朱儁爲太尉。錄尚書事。車駕還洛。復守尚書令。建安元年。從遷都許昌。爲曹操所誣。下獄。尋理出。後復拜太常。免。曹不受禪。授光祿大夫。待。已賓禮。黃初六年卒。年八十四。

答曹公書

彪白。雅願隆篤。每蒙接納。私自光慰。小兒頑鹵。謬見采錄。不能期効。已報所愛。方今軍征未暇。其備位匡政。當與戮力一心。而寬玩自積。將違法制。相子之行。莫若其父。恆慮小兒必致傾敗。足下恩

恕延罪迄今近聞問之目心腸酷裂凡人情誰能不爾深惟其失用自自釋所惠馬及雜物自非親舊孰能至斯省覽眾賜益自悲

懼

古文苑

楊修

修字德祖彪子建安中舉孝廉除郎中署丞相倉曹屬主簿坐罪誅有集二卷

節遊賦

爾乃息偃暇豫攜手同征遊乎北園已娛已逞欽太皞之統氣樂乾坤之布靈誕烟熅之純和百卉挺而滋生谷風習已順時撓百物而有成行中林已彷徨玩奇樹之抽英或素華而雪朗或紅彩而發頰綠葉白蒂紫柯朱莖楊柳依依鍾龍蔚青紛灼灼已舒葩芳馥馥已播馨嗟珍果之叢生每異類而絕形稟冲和已固植信能實而先榮于是迴旋詳觀目周意倦御于方舟載笑載言仰沂

涼風俯濯纖腕極歡欣已從容乃升車而來反

裁文類聚二十八

出征賦

嗟夫吳之小夷負川阻而不廷肇天子之命公總九伯而是征整
三軍而飭戒殄征夫而報驚飭翼華已鱗集蒼鷹雜已星陳塞川
原而上下蔽城隍而無垠于是州牧覆舟水衡戒事飭師就部乃
講乃試信大海之可橫焉江湖之足忌公命臨淄守于鄴都侯懷
大舜乃號乃慕茂國事之是勉今歎經時而離居企歡愛之偏處
兮獨搔首于城隅

裁文類聚五十九

汎從風而回艫徐日轉而月移旆已入乎河口殿尙集于園池處
者口垂拱而基安觀者若結駟口口口

北堂書鈔未改本一百三十七御覽七百七十

許昌宮賦

于是儀北極已構棟希形制乎太微口口口口口口結雲間之崔
嵬植神木與靈草紛蔚蔚已參差爾乃置天臺于辰角列執法于

西南築舊章之兩觀綴長廊之步欄重閨禁之窈窕遊華蓋之幽
深儉則不陋奢則不盈黎民子來不督白成于是天子乃其法服
戒羣僚鐘鼓隱而雷鳴警蹕嘈而響起旒謁文選陸倕石闕銘注作旒謁低徊
天行地止已入乎新宮臨南軒而向春方負黼黻之屏風憑玉几
而按圖書想往昔之興隆藝文類聚卷六十二

華殿炳而岳立

文選潘岳
藉田賦注

神女賦

惟玄媛之逸女育明曜乎皇庭吸朝霞之芬液澹浮遊乎太清余
執義而潛厲乃感夢而通靈盛容飾之本豔負龍采而鳳榮翠黼
翬裳纖縠文袿順風揄揚乍合乍離飄若興動玉趾未移詳觀玄
妙與世無雙華面玉粲韓若芙蓉膚凝理而瓊絜體鮮弱而柔鴻
回肩襟而動合何俯仰之妍工嘉今夜之幸遇獲帷嘗乎期同情
涕踊而思進彼嚴厲而靜恭微諷說而宣諭色歡懌而我從藝文類聚

七十

孔雀賦

魏王園中有孔雀人在池沼與眾鳥同列其初至也甚見奇偉而
今行者莫眠臨淄侯感世人之待士亦咸如此故興志而作賦并
見命及遂作賦曰

有南夏之孔雀同號稱于火精寓鷦鷯虛已挺體含正陽之淑靈首
戴冠已飭貌爰龜背而鸞頸徐軒翥已俛仰動止步而有程

戴文類聚

九十

荅臨淄侯牋

修死罪死罪不待數日若彌年載豈由愛顧之隆使係仰之情深
邪損辱嘉命蔚矣其文誦讀反覆雖諷雅頌不復過此若仲宣之
擅漢表陳氏之跨冀域徐劉之顯青像應生之發魏國斯皆然矣
至于修者聽采風聲仰德不暇自周章于省覽何遑高視哉伏惟

君侯少長貴盛體發日之資有聖善之教遠近觀者徒謂能宣昭懿德光贊大業而已不復謂能兼覽傳記留思文章今乃舍王超陳度越數子矣觀者駭視而拭目聽者傾首而竦耳非夫體通性達受之自然其孰能至于此乎又嘗親見執事握牘持筆有所造作若成誦在心借書于手曾不斯須少畱思慮仲尼日月無得踰焉修之仰望殆如此矣是日對鵬而辭作暑賦彌日而不獻見西施之容歸增其貌者也伏想執事不知其然猥受顧錫教使刊定春秋之成莫能損益呂氏淮南字直千金然而弟子箝口市人拱手者聖賢卓犖固所目殊絕凡庸也今之賦頌古詩之流不更孔公風雅無別耳修家子雲老不曉事強著一書悔其少作若此仲山周旦之儔爲皆有讐邪君侯忘聖賢之顯跡述邵宗之過言竊曰爲未之思也若乃不忘經國之大美流千載之英聲銘功景鍾書名竹帛斯自雅量素所畜也豈與文章相妨害哉輒受所惠竊

備矇瞍誦詠而已。敢望惠施。曰：忝莊氏季緒。璵璠何足。曰：云反。荅

造次不能宣備。修死罪死罪。

魏志曹植傳注引
典略又見文選

司空荀爽述贊

生應正性。體含中和。篤誠宣于初言。明允朗于始察。是曰在童。亂而顯奇。漸一紀則布名。須幼之可師。甘羅之少者。何曰踰公之性量乎。砥心六經。探索道奧。瞻乾坤而知陰陽之極。載而集之。獨說十萬餘言。士林景附。羣英式慕。由毛羽之宗。鵬鸞眾山之仰。五嶽也。昔楚思叔敖而作歌。鄭詠子產而興歎。瞻望弗及。作詞告思。

詞曰

爰在大漢。挺荀作貞。其德允明。誕發幼齡。行獨體潔如玉之瑩。確乎其志。乃勵乃清。遂陟司空。天子是毗。惟君之德。朋僚所咨。清水平土。茂哉是力。將混六合。繩曰正直。散曰禮樂。風曰道德。聚四十七

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後漢文卷五十一終